



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 57. Principum atque Illustrium obitus.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII cryphas, & a Sede Apostolica revocatas continentes libellos prohibuit, illorumque usum sub pœnis in Indice librorum prohibitorum contentis interdixit.

§. LVII.

Principum atque Illustrum obitus.

Vit. & Virt.
Eleon. Hist.
Univ. t. 8.
pag. 529.

Inter Principes hoc anno denotatos ob virtutum præstantiam, & vitæ sanctitatem principem sibi locum vendicat Eleonora Magdalena Theresia ex Philippo Guiljelmo Neoburgico Duce & Elisabetha Amalia Hasso - Darmstadiensi Landgravia Düffeldorpii die sextæ Januarii 1655. nata. Hæc a teneris inter virtutum exercitia, ac rerum Divinarum commentationes adolevit, & singulari humilitate, pietate in Deum, liberalitate in pauperes, necnon orationis lectionisque assiduitate, illustrium suorum Parentum non modo spem. sed vota quamvis fervida & magna superavit: Adolescentula jam majora meditari, & supra mortales seleturas attollere, humana contemnere, & sese ad æterna erigere cæperat, suasque delicias in frequenti corporis maceratione, & crebro cum Theresianis Sanctimonialibus, a quibus non Principis

cipis, sed Sororis titulo honorari vo- Sæc. XVIII.
 luit, consortio Düffeldorpii & Neoburgi A. C. 1720.
 quæsierat. Anno ætatis suæ vigesi-
 mo primo a Leopoldo I. Imperatore
 in Conjugem selecta, cum in Car-
 melitarum Discalceatarum Asceterio
 Virginitatem perpetuam Deo devovere
 firmiter decrevisset, nonnisi Serenissi-
 mi sui Parentis mandato ad augustas
 hæc nuptias adigi poterat, quo etiam
 anno die decima quarta Decembris Pas-
 savii per Episcopum & Comitem de
 Pötting solemnè precatione juncta pau-
 lopost Viennam deducta est, ubi anno
 sequenti Josephum I. & postea Leopoldum
 & Carolum filios, ac sex filias
 enixa non minorem excolendis virtu-
 tibus quam liberis pie educandis ope-
 ram dabat. Mortuo autem Leopoldo,
 & sexto post anno Josepho ejus Filio
 pariter vivis erepto Eleonora Regno-
 rum, omniumque ditionum admini-
 strationem in se suscipere cogebatur.
 Nec tamen ejus animum curarum gra-
 vitas, tanti muneris pedissequa, nec di-
 gnitatis amplitudo ab orationis assi-
 duitate, morum comitate, animi de-
 missione, & liberalitate erga pauperes
 avertere poterat, sed cælestem plane
 vitam agebat, atque inter ipsos Aulæ
 tumultus sacræ solitudini, fugiendis
 voluptatibus, terrenisque deliciis, &

Sæc. XVIII. frequentandis jejuniis, aliisque corporis austeritatibus intenta soli Deo vacabat: ingentem quoque pecuniarum vim in Ecclesias, monasteria, pauperes Religiosos, viduas, pupillos, omnesque miseros, aut paupertate pressos effundebat; suo etiam ære pro Theresianis Monialibus Lincii Monasterium erexit, dotavitque: Tandem crescentibus in dies beatæ vitæ meritis postremo suæ ætatis anno, cum ad anniversariam suæ nativitatis diem gratulantium officia exciperet, adstantibus respondit, se in sexagesimo quinto ætatis suæ anno postremo natalem diem suum celebraturam: Nec vaticinio eventus abluit; die enim prima Januarii hora septima matutina, cum ad sacram confessionem sese præparatura Sacellum ingrederetur, apoplectico tactu obruta, exanimi haud absimilis corruit, ac nonnisi tertio post die sibi reddita die sexta Januarii, qua primam lucem aspexerat, sacris Ecclesiæ Sacramentis a Cardinale Spinola Nuntio Apostolico munita, die decima nona ejusdem Mensis (*) vitam suam, beato sine clausit anno ætatis suæ sexagesimo quinto. Edi-

(*) Eadem hac die Augustæ Anno 1690. in Romanorum Reginam atque Imperatricem inaugurata erat.

Edidit ad singulas cujuslibet Mensis Sæc. XVIII.
 dies *Christianas meditationes* Colonix A. C. 1720.
 impressas.

Septimo post Imperatricis obitum die decesserat Sulzbaci ex apoplexia Maria Eleonora Amalia Theodori Comitis Palatino - Sulzbacensis conjux, nata Landgravia Hasso - Rheinfelden- sis, nondum exacto quadragesimo quinto ætatis suæ anno.

Ad finem quoque ejusdem Mensis vitæ finem sortita est Laurea Pica Ferdinandi Gonzagæ Principis Castilionensis Conjux: Viennæ etiam vivis ereptus est Franciscus Maria Caraccioli Princeps Avellanus, ac Velleris aurei Eques. Præter hos vita excessere die vigesima Aprilis Osterholmii Carolina Sophia Dux Holsato - Plæ- nensis annos quadraginta octo nata, die vigesima octava ejusdem Mensis Erdmuthis Dorothea Dux Mersenbur- gica, die vigesima sexta Martii Au- gustus Guilielmus Dux Brunsvico- Beverensis, die vigesima prima ejus- dem Mensis Maria Anna Borbonia Prin- cipis Contii Soror, die decima septi- ma Maij Catharina Soror Friderici Bi- pontini Ducis, die quinta Novembris Magdalena Juliana Joachimi Holsato- Plænen- sis Ducis conjux annos nata triginta quatuor: die vigesima secunda Junii Elisabetha Carolina Wilhelmi
 Aaa 5 Prin-

Sæc. XVIII. Principis Nassovio - Dilenburgici Filia,
A. C. 1720. & die vigesima octava Julii anno æta-
tis vigesimo nono Guilielmus Frideri-
cus Ducis Saxo - Coburgo - Saallē-
densis Filius, Princeps pietate & do-
ctrina insignis: Obiit etiam Ismael Ma-
roci Rex in Africa septuagesimo septi-
mo suæ vitæ, ac regiminis quinquage-
simo octavo: Ex Præsulibus decessere
in Gallia Mense Augusto Hyppolitus de
Bethune Virodunensis Episcopus, &
Extragues Lactorensis Episcopus, qui
subitana morte præventus nullum Ec-
clesiæ Sacramentum recipere valuit,
uterque tamen de numero appella-
tium a Constitutione erat: Decesserat
etiam die decima quinta Septembris
Joannes Baptista Gaston de Noailles
Catalauni Episcopus, & Cardinalis
Noaillii Frater, suæque pertinaciæ
socius, cui in Episcopali dignitate suc-
cessit Abbas D'Autin Ducis cognomi-
nis Filius. Bonnæ obiit Franciscus
Hugo Comes de Königseck Episcopus
Littomeriensis, Neostadii Ignatius de
Lovina Neostadiensis Episcopus in Au-
stria primum anno priori consecratus.
Venetiis Bembus Belluni Episcopus
septuagenario major, ac denique anno
ætatis suæ octogesimo tertio Adrianus
de Vignacourt Melitensis Ordinis E-
questris supremus Magister, cui subro-
gatus est Marcus Antonius Zondeda-
rius

rius Cardinalis hujus nominis Fra-ter. Sæc. XVIII.
A. C. 1720.

§. LVIII.

*Scriptorum Ecclesiasticorum religione
Catholicorum decessus.*

His subjungere lubet eruditorum fata, atque inter eos præcipue memorandus venit Georgius Christophorus Ferdinandus de Räfewiz Nobilis Silesita Wratislaviæ die octava Decembris Anno 1643. natus. Hic a Lutheri secta ad veram fidem Catholicam ex assidua S. Scripturæ, & SS. Patrum lectione reverti permotus, Antonio Udalrico Brunsvicensi Duci a consiliis erat, omneque vitæ suæ tempus literarum otio, ac lectioni impendebat: Scripserat sub alieno nomine Zephirini de Pace Cogitationes antiquo- Christianas, seu necessariam primævæ Ecclesiæ restorationem, earumque apologiam contra injuriosam Valentini Löscheri recensionem, relationem de occasione edendi has cogitationes, earumque alteram partem adhuc ineditam, motiva, ob quæ Antonius Udalricus Brunvicensis Dux ad fidem Catholicam sit reversus. Sinceram delineationem veræ & ex integro Catholicæ, Ecclesiæ, prout oculis conspici potest, Dorotheum seu de Persona Christi, cælestem æternitatis visionem, & solidam

*Holberger
Hist. Eccl.
t. 4. p. 174.
Hist. Univ.
t. 8. Part. 8.
c. 1. p. 953.*